

بالجمله محررات در سعادت پوسته خانه سته
تصوف جریده سی نامه کوندر لیدر.
قوطو نومرو سی ۱۴۳

شرائط اشترا

سنه لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

تصوف

صاحب امتیاز و سر محرری
اورفه مبعوثی

شیخ صفوت

مرکز توزیمی باب عالی جاده سنده
جمعیت کتبخانه سیدر

نسخه سی ۲۰ پاره در

التصوف کله آداب : ابو حفص عمر بن مسلمه

عرفای امتک ، مقالات عارفانه لرینه تصوفک صحیفه لری آجیقدر

تصوفه متعلق مباحث شتادن باحث و مکارم اخلاق اسلامیتک تعمیه نه خادم مجله معنویه در

(۱۳) شیخلك مقامه واصل اوله بلك كى تمايلات نفسانيه دن احتراز ايتكدرد زيرا بومثلو تمايلات مريدك سىروسلوكنى رخه دار عقامت ايدجك علائقدندر .

(۱۴) فقرا و درويشانك خدمتارنده هر درلو فدا كارلغك ايفاسيله برابر دائما آتله قارشو كندى نفسنى منتدار كورمكدرد .

ابنای زمانه را نكو بين

در رسم نظر كن و در آيين

هيچت خبر است از اين علالت

هيئات هزار بار هيئات

حجة الاسلام غزالی حضرتلى آداب مذكوره يي (واساس هذه الامور ان يجنب عن الشبهات ويتقاض عن المحرمات) كلمه جامعسيه تلخيص بيور مشررد اللهم اجعلنا من عبادك الصالحين برحمتك يا ارحم الراحمين آمين .

اصطلاحات صوفيه

حال

لسان تصوفده : اعمال صالحه نك آثاري ياخود برامتان محض الهيك انوارى اوله رق سالكك بركونا تكلف و تعمدي اولمقسين قلبنه وارد اولان حزن و طرب قبض و بسط ، ذوق و شوق و انس و هييت كى امور معنويه حال دنيلير .

مقامك تعريفندن آكلاشلمش اولديغى اوز . مقامات امور كسيده دن واحرال ايسه شئون و هييه دندر . مقام ايله حالك صفات فارقه سندن برى دخى صاحب مقامك مقامنده متمكن و صاحب حالك دائما ديكر برحاله مترقى بولنيسيدر زيرا احوال برق خاطف كيدر كلير كچير دوام ايدجك اولورسه اكا (حديث نفس) ديرلر . سالكك حال ايله

حديث نفسى يكدركندن تفريق و تميز ايتي سىروسلوكلك شرائط دندر

قبض و بسط

قبض و بسط : سالك طريقته و تشنه زلال حقيقتك نفس اماره نك مجاهد تيله مشغول بولندينى ائشاده سىروسلوكلك ايكي شهبال كالى اولان (خوف ورجا) نك نفس لوايه دائره -نده انقلاب ايدجكي احواله اطلاق اولور . قبض خوفك و بسط دخى رجائك فوقنده . رجالت معنويه در . قبض و بسط ايله خوف ورجاك اراننده ديكر بر فرق ده اواردر كه خوف ورجا دائما استقباله و قبض و بسط ايسه زمان حاله ناظر در قبض بعض كره سالكك طريق الهيده واقع اولان تقصيراتى نتيجه سنده عتاب و تاديبه بر اشرت معنويه اوله رق ظهور ايدر بو صورتده سالكك تلافى مافا نچالشمسى لازمدر . و بعض كرده تربيات و تكملات معنويه سته مدار اولقى اوزره وارد اولور هر حالده قضيه قارشو سالكك واجب اولان استسلام و مطاوعتدر . ترك استسلام ايله نفى و ازاله سى خصوصنده تكلف ايدجك اولورسه قبضك اشتدادينه سببت ويرر لكن استسلام و مطاوعته زوال و انكشافنه موفق اولور زيرا تعالى و تقدس حضرتلى (والله يقبض و يبسط) بيور مشدر . بسط دخى سالكك قرب و اقابته و تكريم و احترامنه دلالت و اشرت ايلسان احوال معنويه دندر بعض كره مبسوط اولان ذات هر شيله استنس ايدميله جك بر انبساط وجدانى دائره -نده بولنور هر حالده بسطه قارشو ادب و سكونك مراعات كامله سنى التزام ايتك لازمدر . زيرا بسط و انبساط : آدب عبوديتك دائره نجات و سلامتندن انحراف و تجاوزى موجب اولميله جك مهالك عظيمه يي متضمندر .

مكاتبات صوفيه

اعاظم سادات صوفيه دن قطب المحققين احمد غزالي